



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

2. Quomodò singulariter illi dicatur, Dominus tecum, Gratia plena,
Benedicta inter mulieres.

urn:nbn:de:hbz:466:1-29452

Beatus venter qui te portauit, & beata vbera quæ
 faxisti &c. quàm omnes illi hæretici negantes virgi-
 nem matrem, assimilantes eam fistulæ, p quam tran-
 sit ventus, sic aiunt illã genuisse. Mat. 1. cap. dicit, De
 qua natus est Iesus, qui vocatur Christus. Huic creda-
 mus, & Ioan. 1. Verbum caro factũ est, & Lucæ 2. An-
 nuncio vobis gaudium magnum &c.

Secundò Angelus quandò salutauit virginem his
 verbis Lucæ 1. Gratia plena, Dominus tecum, bene-
 dicta tu in mulieribus, aliquid amplius voluit esse in
 Maria, quàm in cæteris mulieribus & hominibus, de
 quibus etiam hæc leguntur: dicitur enim & Stepha-
 nus plenus gratia Act. 6. & Iudic. 6. dixit angelus, Do-
 minus tecum virorũ fortissime. Et Iudic. 5. cecinerũt
 Delbora & Barach, Benedicta inter mulieres label v-
 xor &c. & Iudith 15. dicitur, Benedicta tu à Domino,
 manus Domini confortauit te, & eris benedicta in
 æternum. Illis omnibus tribuuntur hæc verba, quæ
 angelus in salutatione virgini Mariæ tribuit: sed lon-
 gè alio fine & nobiliori causa: Et primò gratia ple-
 na, & quòd paritura esset & peperit Christum, qui di-
 citur plenus gratia & veritate, Ioan. 1. de cuius pleni-
 tudine nos omnes accipimus: eius veritatis verbũ, e-
 ius gratia & fauor patris, nos omnes saluat & iustifi-
 cat propter ipsum: ex eius plenitudine nos iustifica-
 mur: hoc non potest dici de Stephano, neq; de cæteris
 plenis gratia & Spiritu S. neq; de Apostolis aut alijs:
 nihil enim de illorũ plenitudine gratiæ accipimus,
 sed de Christi plenitudine. Talem virgo peperit, ideo
 ipsa dicitur plena gratia. Deindè, Dñs tecum, non so-
 lù virtute & potentia, sicut fuit cū Gedeone in bello,
 & cum Dauid ac cæteris sanctis regibus, qui virtute
 Dei magna & ferè impossibilia fecerunt, quàm diu
 Dominus erat cū illis: sed cū virgine fuit corporali-
 ter, ipsa vera mater, Dñs & Dñs noster, quem in v-
 tero gestauit ac peperit. Hoc de nullo homine aut mu-

liere dici potest. Igitur virgo præfertur omnibus, quæ
 erat vera Mater & purissima virgo sine omni peccato,
 sicut ait August. lib. de natura & gratia cap. 36. De S.
 Maria, propter honorẽ Domini, nullã prorsus, cum de
 peccatis agitur, volo habere quæstionẽ. Postremo di-
 citur benedicta inter mulieres non solũ propter offi-
 ciũ maternitatis, sed idẽ quia benedictum semen A-
 brahæ pmissum, id est, Christum, mundo erat paritu-
 ra, Gal. 3. idẽ etiã dixit Spiritus S. per os Elizabeth:
 Benedictus fructus ventris tui. Is enim fructus fuit
 totus benedictus, nulla labe peccati & antiquæ male-
 dictiõis obnoxius: qui etiã nobis omnem maledictio-
 nem peccatorũ abluit. Talem benedictum fructũ nul-
 la mulier mundo peperit, sicut ipsa. Idẽ canit Ecce-
 sia: Felix nanq; es sacra virgo Maria &c ex te ortus est
 sol iustitiæ Christus Deus noster, id est, ille de quo di-
 cit Apo. 1. Cor. 1. qui datus est nobis à Deo sapientia,
 iustitia, sanctificatio & redẽptio: idẽ Christus exo-
 luit maledictiõẽ, & confundens mortẽ, donavit no-
 bis vitã sempiternam. Et quoniam nulla creatura fu-
 it vnquam tam sancta & p̄xima Christo, sicut ipsa vir-
 go & mater Christi, neq; angelus neq; propheta. Ipsa
 enim proxima carne, proximior fide omnibus Chri-
 sto, quæ fugientibus Apostolis stetit sub cruce, pro-
 pinquissima in cœlo, ad quem assumpta est: idẽ orat
 Ecclesia, & illius petit preces ad Christũ, ac veneratur
 propter Christum natum saluatorem nostrũ. Venerã-
 tur Apostoli propter doctrinã Christi, quam sparsẽ-
 runt cum omnibus prædicatoribus, venerantur Mar-
 tyres & confessores propter confessionem & constan-
 tiam fidei, veneratur potestas in superioribus: omnia
 illa debitis præconijs efferimus, & meritò mater Dei
 honoratur, quia nobis solẽ iustitiæ æternæ peperit.
 Nec hoc hætenus p̄batum est ab aduersarijs per scri-
 pturã, quòd illam inuocationem suffragiorum Chri-
 stus prohibuerit: non est inuocatio, quam aut qualẽ
 Deo vt

Ioan. 19.

Deo ut datori bonorū omniū debemur: sed talis est, sicut frater fratrem implorat: & cū ipsa sit de carne & sanguine nostro, tanquā à sorore nostra petimus, ut pro nobis oret Deum, non quidē ut Dea, quæ adoretur, aut quæ donet ea quæ petimus.

Tertiò, veteres statuerunt, ut quoq; quotidie post orationem Dominicam recitetur angelica salutatio, non solum propter virginem, sed potius ad renouandam assiduo memoriam incarnationis Iesu Christi, & ut tãto beneficio quotidie referamus laudes & gratiarum actiones. Est planè hoc beneficiū Christi incarnationis immensum & ineffabile, sicut dicit Augustinus de Trinitate lib. 13. cap. 19. In rebus per tempus ortis summa hæc gratia est, quòd homo in unitate personæ coniunctus est Deo: idè gratias agere quotidie omnes tenemur incarnationi, id quod fit in recitatione symboli. Est & alia causa recitationis angelicæ salutationis, ut feruentius inculcetur iunioribus, ut credant Deum & filium Dei incarnatum. Nã vera fides quæ nos iustificat & saluat, credit Deū incarnatum. Multi dicunt, credo in Deum, satis mihi est, quid mihi de Christo? At qui incarnationis mysterium ignorat, vel non credit, is frustra se iactat credere in Deum vel filium Dei. Ideo audiendi non sunt osiores angelicæ salutationis, qui illam volunt abolitam ne recitetur &c.

PASSUS SVB PONTIO PLATO, crucifixus mortuus & sepultus, descendit ad inferos.

CAP. XXXVIII.

ARGVMENTA.

1. *Quare oportuit redemptorem nostrum Christum esse Deum & hominem.*

X S

2. Quo